

**JAVNA USTANOVA DOM ZDRAVLJA
KANTONA SARAJEVO
UPRAVNI ODBOR
Broj: 01-01-1-42/18
Dana, 27.03.2018.godine
Sarajevo, Vrazova 11**

U skladu sa članom 31. stav 1. tačka j) Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13) i članom 6. stav 1. tačka c) Odluke o izmjenama i dopunama Statuta JU Dom zdravlja Kantona Sarajevo ("Službene novine KS" broj 20/16) a u vezi sa članom 4. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo broj 01-01-176-15/15 od 16.02.2015. godine, člana 31. i 32. Poslovnika o radu Upravnog odbora Ustanove, Upravni odbor, na XVI redovnoj sjednici održanoj dana 27.03.2018 godine, donosi slijedeću:

ODLUKU

o davanju saglasnosti za potpisivanje ugovora o nabavci

I

Daje se saglasnost generalnom direktoru Javne ustanove Dom zdravlja Kantona Sarajevo za potpisivanje ugovora o javnoj nabavci:

- Postupak javne nabavke broj **OP 18p/17** sa predmetom nabavke motorna vozila, iz Plana javnih nabavki za 2017. godinu pod rednim brojem 40, radi zaključenja ugovora ukupne vrijednosti od **271.430,93 KM sa uračunatim PDV-om.**

II

Odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke broj **01-03-9554/17** od 11.12.2017. godine, pokrenut je postupak nabavke vozila za potrebe Javne ustanove Dom zdravlja Kantona Sarajevo broj OP 18p/17.

Javna ustanova Dom zdravlja Kantona Sarajevo, kao ugovorni organ, pokrenula je aktivnosti u skladu sa odredbama Zakona o javnim nabavkama objavom Obavještenja o nabavci broj 29.1-1-118-3-102/17 dana 11.12.2017. godine kao i Ispravkom za Obavještenja o nabavci broj 29-1-1-118-8-9/18 od 31.01.2018. godine.

U Planu javnih nabavki za 2017. godinu, pod rednim brojem 40, planirana je nabavka motornih vozila za koju je procijenjena vrijednost bez PDV-a iznosila 218.800,00 KM bez uračunatog PDV-a, a što sa uračunatim PDV-om iznosi **255.996,00 KM**.

Komisija za javne nabavke je u Zapisniku o provedenom otvorenom postupku broj 01-08-9793-4/17 od 16.02.2018. godine, konstatovala da ponuđena cijena kvalifikovanog ponuđača bez PDV-a iznosi **231.992,25 KM** a sa uključenim PDV-om **271.430,93 KM**, što je za **15.434,93 KM** više od procijenjene vrijednosti nabavke sa uračunatim PDV-om.

U skladu sa članom 69. stav (2) tačka e) Zakona o javnim nabavkama, postupak nabavke može se okončati poništenjem ukoliko su cijene svih prihvatljivih ponuda znatno veće od osiguranih sredstava za predmetnu nabavku ili zaključenjem u skladu sa članom 69. stav (1) tačka a) ZJN, ako se mogu obezbjediti dodatna finansijska sredstva za predmetnu nabavku.

Obzirom da nije zabranjeno postupak nastaviti i okončati kad postoji prekoračenje procijenjene vrijednosti, a imajući u vidu da je samo jedna formalno pravno ispravna ponuda koja ispunjava sve uslove iz tenderske dokumentacije, Komisija je dala preporuku generalnom direktoru, ukoliko ne postoje finansijske prepreke, da donese Odluku o izboru ponuđača **Verano motors d.o.o. Banja Luka**, za planiranu vrijednost ugovora u iznosu od **271.430,93 KM** sa uračunatim PDV-om (17%)

U konkretnom postupku, finansijska sredstva su obezbjeđena kao namjenska sredstva u okviru Projekta nabavke medicinske i nemedicinske opreme za Javnu ustanovu Dom zdravlja Kantona Sarajevo, pa je upućen zahtjev prema Ministarstvu zdravstva Kantona Sarajevo broj 01-03-1994/18 od 20.02.2018. godine, u kojem se traži saglasnost za prekoračenje procijenjene vrijednosti u cilju obezbjeđenja novčanih sredstava za okončanje postupka. Ministarstvo zdravstva Kantona Sarajevo je dana 09.03.2018. godine dostavilo traženu saglasnost aktom broj 10-14-10949/18 od 27.02.2018. godine u kojem navodi da je saglasno da se neutrošena sredstva po osnovu do sada okončanih postupaka javnih nabavki u iznosu od 15.430,93 KM, preusmjere za nabavku 8 motornih vozila.

Aktom Ministarstva zdravstva Kantona Sarajevo broj 10-14-10949/18 od 27.02.2018. godine, o preusmjeravanju neutrošenih namjenskih sredstava u postupku otvorenog postupka broj OP 18p/17 sa predmetom nabavke motornih vozila, predviđenog Planom javnih nabavki za 2017. godinu, pod rednim brojem 40, data je saglasnost za prekoračenje procijenje vrijednosti u visini od 15.430,93KM.

U skladu sa članom 69. stav (1) tačka a) Zakona o javnim nabavkama, stvoreni uslovi za okončanje navedenog postupka zaključenjem ugovora o javnoj nabavci.



**PREDSJEDNIK
UPRAVNOG ODBORA**

Elvesta Mulahasanović
Elvesta Mulahasanović, MA prava

Dostaviti:

- Upravni odbor
- Generalni direktor
- Javne nabavke
- SEFP-a
- A/a

Jasmina Horo, dipl. pravnik
pomoćnik gen direktora za pravne poslove

Jasmina Horo

Aida Muminagić, dipl. pravnik
stručni saradnik za pravne i opće poslove u SPKOP-u

Aida M.